

B. N. C.
FIRENZE
1059
4





4059-4





76501





A D
 SERENISSIMVM PRINCIPEM
 LEOPOLDVM MEDICÆVM
 D E
 MACHINA MOMMORIANA
 C A R M E N.



QUÆ nova sidereæ speculandis ignibus
 æthæ,
 Per sudum, celsâ MOMMORI ingen-
 tis ab aulâ

*Se se offert, tenditque tuos ornare penates,
 Magnanime ô Princeps, præstanti Machina dono,
 Quisve tibi talem miros transmisit in usus?
 Vnde Galilæo si fortè immittere vitro
 Lumen ames, superi contemplaturus Olympi
 Lucida signa; quibus se stellis Luna coronet*

A



Qui rubeant, & quo ferales igne Cometae,
 Nil longum gravis aura tubum convellere possit:
 At premere hunc valeas quoties quantumque libebit,
 Rursus & erigere, & cunctas obvertere vasti
 Aetheris in partes: quod opus insigne novumque,
 Dum letis ingrata fori post tædia, sese
 Musarum studiis & amæno carmine mulcet,
 Repperit, atque sui monimentum & pignus amoris
 Donat habere tibi MOMMORIVS. Illius ampla
 Atria magnanimùm spirantibus undique signis
 Præfulgent, tabulisque Virùm: notissima Musis
 Atria, quod doctum concursu tendere magno
 Aspiceres tota urbe gregem, eximiòsque Poëtas
 Quemque sibi summis quæsitum oracula rebus:
 Illum autem placidis affantem vocibus omnes,
 Ipsaque reddentem, quæ maximus antè solebat
 Gassendus responsa, è tanti Herois amico
 Hospitio, longos ubi non inglorius annos
 Exegit, lætâ tum demum ubi morte quievit,
 Ac nimium cari minùs ut grave funus alumni
 Pierides quererentur, ubi doctissima liquit
 Scripta sui populos subito vulgata per omnes
 Hospitis & cura .. & versu insignita perenni.
 Ergo illi è superâ meritis pro talibus arce
 Ipse memor Gassendus & abdita nunc quoque rerum

Explicat, & toto penitus se pectore miscet. [BERTI

Summe igitur LEOPOLDE, tui ne munus HA-

Despice. Tale nihil meditando protulit ingens

Ille opifex, qui, cum Mortales mille decoris

Atribus auxisset, quarum indiget usus, egenos,

Mox patrii ex longo flagrans ad læta redire

Regna soli, terras dum sævus & æquora Minos

Obstrueret latè, vacuum quoque posse per æthera

Exilii reperire fugam confidit, & unà

Ibimus hac, ait, alme puer, cælumque patere

Sufficiat: neque enim cæli aurarumque potentem

Quicumque est, Minoa reor. gratare parenti,

Ibimus hac. simul immensi spatia in via olympi,

Has inter voces, alacri monstrabat alumno.

Tum rapidus, quas fortè manu detraxerat, ipsi

Vel Iovis armigeræ, vel qui speculatus ab alto

Imbelles in aves prædo ruit æthere Vultur,

Accipiterve rapax, lino, cerâque tenaci

Inter se miro nectit discrimine pennas.

Longa brevem sequitur; tenues serit ordine plumas:

Sed densas magis unde humero ex utroque pendit

Remigium, quod jam ut rapidis incumberet auris

Mollius, & veros avium simularet amictus,

Dextrâ habili curvat: confectum opus inde, dolente

Naturâ superari, animi lætissimus heros

Ipse suis natiq̃ue humeris pernicipibus addit.

*Restabat labor alter & altera cura parenti,
Et premere & laxas ventis dare discere pennas
Et puero monstrare, (avidus spectabat ut illum
Discendi puer) ergo in cælum tollere molli
Se primùm plausu, mox libera pandere ventis
Brachia, Reginâ non segnibus alite, quondam
Instituente rudes humeris quaterere aëra pullos,
Ignarum genitor docet, ante volatque docendo;
Præque monet Solis rapidos vitaret ut ignes:
Vitaret maris uda: mari gravis ala volantem
Ne tardet, nimius criniti Hyperionis ardor
Ceratum neu solvat opus: medium usque tenere
Disce iter, & nusquam nos desere, sic ait, & se
Tollit humo, comitique leves proludit ad auras.
Felix! ni vanis jactantior Icarus alis
Irrita mox ventis mandata paterna dedisset
Securus fatorum, & ad ignea sidera cæli
Affectare viam insano cepisset amore:
Ni patris, & miseræ liquidum per inane vocantis
Se frustra, summo revolutus ab æthere, voces
Audisset, simul & pennas, unâque ruentem
Dædalus æquoreas natum aspexisset in undas,
Icareo decus, unde mari. Sed Musa per amplos
Exspatiata nimis longo jam carmine campos*

Ad

*Ad tua cæpta redi: tuque ô sine, maxime Princeps,
Machina ut hæc sublimè tuas conscendat in ædes
Machina, Dædaleis nil decessura repertis.*

*Hinc MEDICÆA (alio quid enim cognomine dicam
Sidereas cæli facies, tot luce tuorum
Fulgentes meliùs patrum) speculareris astra
Tutâ è sede, domosque tibi signabis habendas
Semideos inter proavos; quibus Arnus amœnæ
Flumine formoso perlabens mœnia Floræ
Paruit, ingentes ingens & Etruria quorum
Iam pridem docili cervice accepit habenas:
Ac centum partis terrâ pelagoque triumphis,
Se quorum summo majestas æquat olympo.
Dum vestra de gente alios Heroas, honestum
Ter caput ardenti lætos redimire coronâ
Ipse pater prono Tiberinus flumine, & ingens
Orbis adoraret, superûm ut decora æmula Divûm,
Et Vaticanâ horrendum de rupe tonantes
Quos tremarent viris regna execrata Silentum.*

*Quorum præsidio priscum reparata resumsit
Religio decus ipsa; animis vigor additus, ut cùm
Sol almo resides aspectat lumine campos:
Aoniæ è longo Ausoniam rediére Sorores
Exilio, rediére Artes; Vida maximus alto
Extulit os lætum cælo, MEDICûMque superbos*

Virgilii cecinit lituo graviore triumphos.

*Quos te adeo egregios factis ingentibus omnes
Vno in fratre, patrum solique animique tuorum
Præclaro hærede, primis miramur ab annis
Intentum spectare, & longè anteire tuendo:
Miramur juncti cognato sanguine Regis
Magna per exempla, immensus quæ suspicit Orbis,
Ire viam sublimem, & in ardua tendere pennis
Sidera figentem paribus vestigia curis.
Sive Deum ætheriâ Francis Rex missus ab aula
Ille bonas animo Paces, seu sæva volutat
Bella quibus, puer ipse, feros & contudit hostes;
Mox juvenis centum penetravit in oppida victor:
Nec longum patiens Italas impune per urbes
Ipsam equitare animis horrendum & corpore Thracem,
Relligionis opum vindex, invasit, & uno
Congressu magnum Arabonis delevit ad amnem;
Turbidi adhuc spissique cruentis undique rivis,
Et rimantis adhuc, per densa cadavera frustra,
Quæ sese haud capiens exolvere possit in æquor:
Sive animi miserans, tot doctæ incommoda gentis
Ille idem Superum justus LODOICVS amores,
Pacatumque suo qui numine, solus & Orbem
Temperet, egregia donis quoque promovet Artes,
Largaque selectis effundere munera gaudet,*

*Quique Tagum, Tiberinque bibunt Rhodanumque Poëtis,
Quosque sub obscuris Thule tegit ultima silvis.*

*Tusci Equitis, Tusca lux ô clarissima terræ,
Vincis & ingentes doctâ pro Pallade curas,
Nobilium & potior Vatum te cura remordet;
Dumque tot, invicti regno pro sospite fratris,
Te quicquam cessare sinunt, LEOPOLDE, labores,
Continuòque ineant lecti tua tecta sodales; [guæ
Primus & hîc, novus unde Italæ nitor, & nova lin-
Gratia succedat, doceas, animòque sagaci
Scrutando reseres Naturæ arcana parentis,
Ingentemque feras tibi latior undique plausum.
Ac veluti, latius portantes lumina terris
Phœbus ubi noto requievit gurgite currus,
Parnassum repetit, per amœnâque prata nitentes
Castalidum ipse choros amat exercere Sororum:
Inter & has, liquidâ vel rerum exordia voce
Prima canit, longumve tibi, pater alme Deorum,
Dividit auratâ resonans testudine carmen.*

*Quin etiam, quicumque tuæ successerit urbi,
Francus Iberve fuit, nullo discrimine, si quo
Munere præniteat, laqueata palatia pandis,
Et discedentem donis insignibus ornas.*

*O mea cùm LEOPOLDE, tuas perducet ad arces
Carmina Fors, ea si placido quoque legeris ore*

*Quos mihi quos animos tanto de munere sumam!
 Quámque alacer, per regna tui pulcherrima fratris;
 Romanas tendam, tanto mox auspice, sedes,
 Pertentaturus, si quis mihi, si quis & illic
 Audeat ingenti lituo, fidibusve canoris
 Decertare, tuum decus ad supera alta ferendo.*

*Interea, felix ades ô, magnúmque propinques
 Augurium, mihi quod cecinit non vanus Apollo.
 Spero equidem, quem leta suo dat Gallia Vati,
 Et responsuros, septeno è vertice, magna,
 Si faveas, plaustum colles & flumina Romæ;
 Omina nec fallunt mea me, argutosque videre
 Iam videor Tiberis mihi longè assurgere Cygnos,
 Attonitis inhiare animis: & cedere porro
 Tot tua magna novo celebranti carmine facta.*

CAROLVS DV PERIER.




12

1053.4

2





13

1059.4



Ditta SALVAREZZA S.R.L.
RISTAURO
Via A. Corvi 5 - Roma



